

開放文學 – 神鬼仙俠 – 唐三藏西遊釋厄傳 唐太宗描寫觀音像

卻說唐太宗觀世音菩薩現出原身，望空朝拜。即傳令旨：就著畫工吳道子描寫觀音聖像。那菩薩祥雲，漸漸去遠，霎時間不見了金光。只見那半空中，滴流流落下一張簡帖，上有幾句頌子，寫得明白：禮上大唐君，西方有妙文。程途十萬八千里，大（原缺「大」）乘（原作「十」）進懃懃。此經回上國，能超鬼出群。若有肯去者，求正果金身。

太宗見了偈言，即命眾僧：「且收勝會，待我差人取得大乘經來，再秉丹誠，重（原作「從」）修善果。」眾官俱遵依。當時在寺中問曰：「誰肯領朕旨意，上西天拜佛求經？」問不了，旁邊閃過法師，帝前施禮道：「貧僧不才，願效犬馬之勞，與陛下求取真經，祈保我王江山永固。」唐王大喜，上前將御手扶起道：「法師果能盡此忠賢，不怕程途遙遠，跋涉山川，朕情願與你為兄弟。」玄奘頓首謝恩。唐王就去那寺裡諸佛案前，太宗即與玄奘拜了四拜，口稱「御弟聖僧」。玄奘感謝不盡道：「陛下，貧僧有何德何能，敢蒙天恩眷（原作「養」）顧如此？我這一去，定要捐（原作「損」）軀努力，直至西天。如不到西天，不得真經，誓死不回國，永墮沉淪地獄。」隨在佛前拈香，以此為誓。唐王甚喜，即命回鑾，待選吉日良辰，發牒出行。

次早，太宗設朝，聚集文武，寫了取經文牒，用了通行寶印。時有欽天監奏曰：「今日是出行吉日。」唐王大喜。又見黃門官奏道：「御弟法師朝門外候旨。」太宗大喜，即宣上殿，付了關文札牒；又送個紫金鉢盂，途中化齋而用；再選兩個長行的從者，又牽白馬一匹，送為遠行腳力。「你可就此行程。」玄奘謝恩。唐王排駕，與眾官送至關外。太宗與御弟曰：「我知你出家人無號。當時菩薩說，西天有經三藏。御弟可指經取號，號作『三藏』何如？」玄奘又謝恩，就對眾官而言曰：「昔日法明師父待我取討法名，亦叫三藏；今日又蒙聖恩賜我號名，仍叫三藏。十五大是喜合人意，上應天心。」太宗笑道：「這一去到西天，幾時可回？」三藏道：「只在三年，徑回上國。」太宗道：「日久年深，山遙路遠，御弟早回。」兩人言罷，三藏就謝太宗之恩，徑辭出關而去。太宗即排駕而回。畢竟又聽下回分解。

唐王設會渡亡靈，感動菩薩說原因。